



SPRACHWELTEN

Tgi che tschertga, chatta

Po esser che mo jau sun da quest avis, ma jau pretend che mintgin saja l'artisan da sia fortuna. Finadin chatta sch'el vul insatge da lavurar e sche tut va mal datti anc adina in'occupaziun, in pensum. Ins sto sa dar fadia. Igl è in fatg che bleras personas giaudan la bellavita ed ignoreschan mintga pussaivladad da lavurar.

E sch'i na dat nagina, datti anc adina ina lavur. Cun restar a chasa n'èsi betg fatg. E quels tals sa lamentan per il solit da lungurella. Quai è in curius quint che ina part dals dischoccupads fa, e serius na pon ins betg prender els. Jau na less betg permalar insatgi e forsa sun jau mitschada da la disgrazia dad esser dischoccupada.

Jau sper mo che jau na vegnia mai en questa situaziun. Ma sch'jau pens a tut mes texts che cumparan anc en rumantsch grischun, d'avent jau tut sturna. Ma igl è sco ch'i tutga. Tgi che vul cuntanscher insatge en la vita, è obligà da s'engaschar. E sco gia ditg, mintgin è l'artisan da sia fortuna e tar quest exercizi dal sursilvan en rumantsch grischun na datti era nagut auter che dad exercitar, exercitar ed anc ina giada exercitar. L'exercizi è in bun magister, uschia èsi era cun tschertgar lavur. Tgi che tschertga, chatta – jau en il Pledari grond mes substantivs, adjectivs, verbs ed auter pli per questa lavur e tschel tar il sustegn als dischoccupads. Ed en il mender cas exista l'Internet cun numerusas adressas da plazzas da lavur. Tgi che ha la veglia, cuntanscha la finamira, saja quai en il job, en il job u en il job. Da l'amur, dals daners e dals siemis discussiunain nus l'onn che vegn. Jau per ina giada sun ventiraivla d'avair ina buna ed interessanta lavur. N'avess jau betg questa sfida, na fiss jau betg la damaun da bun'umur. Igl è temp dad ir a letg. Sin mai spetga damaun in pensum fitg varià ed jau m'allegrel. Jau hai tschertgà e chattà mia lavur e gi-aud exact tuttina mia vita. Lavurar na munta betg ch'ins sto desister d'ina bella vita...

Sibylle Pfiffner